

Zonas:													
Especies:													
	X	F	M	A	M	X	XI	A	S	O	N	D	
Limpezas e arados													
Zonas:													

Outras consideracións ⁽⁹⁾

Con respecto aos **participantes**: o plan para o vindeiro ano presenta 10 embarcacións e 17 tripulantes, sen embargo en anos anteriores figuraban 14 embarcacións e 22 tripulantes.

Cumpre lembrar que na resolución de 12.12.2006 da Dirección Xeral de Recurso Mariños para a aprobación do **plan de explotación de ourizo** presentado pola confraría de O Grove establecíase no apartado de renovación dos participantes (2.3) no que se esixía a acreditación dunha actividade mínima (50% dos días), establecíase que "*por parte da administración e segundo a lexislación en vigor, era imposible coas condicións do apartado indicado, realizar a exclusión dos participantes do plan de explotación do vindeiro ano*". A medida proposta sería tida en conta para unha modificación da lexislación que regula os recursos específico.

Para poder desenvolver a actividade extractiva debe emitirse informe da sección de formación sobre a actividade de mergullo relativo á inclusión destes participantes, para o cal enviarase á delegación territorial a relación de tripulantes das embarcacións indicando a súa titulación específica de mergullo. Tamén terán que incluírse no plan de seguridade que debe ser aprobado pola autoridade marítima correspondente.

O informe da actividade de mergullo de data 12.11.2007 é favorable para o mergullo con subministro de aire dende superficie sempre que dito plan sexa aprobado á efectos de seguridade polo autoridade marítima correspondente.

Exclúese a zona de Negreiriñas-Meloxo, que pertence por acordo entre entidades á confraría de Cambados, polo que se quixeran explotar esta zona necesitarían de autorización expresa desta confraría.

Os topes de captura, de acordo co informe técnico redúcense a 70 kg/tripulante/día tendo en conta a CPUE dos últimos anos: 70,9 no ano 2005, 60,05 no ano 2006 e 57,22 no ano 2007.

De conformidade co establecido no artigo 126 do Decreto 424/1993, do 17 de decembro, polo que se aproba o regulamento da actividade pesqueira e das artes e aparellos de pesca permisibles en Galicia, a captura de ourizo poderá realizarse "tódolos días laborables, agás sábados e vésperas de festivos, en horario abranguido entre as 9:00 e 15: 00 horas".

En relación coa posibilidade contemplada no plan de expulsión aos mariscadores que non cumpran as normas do plan, en tendo en conta o seguinte:

1. Para explotar os recursos específicos necesariamente é necesario estar nun plan de explotación polo que é responsabilidade das confrarías o censo de participantes.
2. Non está acreditada a aprobación do plan polo colectivo de mergulladores, que son os directamente interesados na planificación da explotación do recurso.
3. Calquera privación do dereito de exércela actividade marisqueira por parte dunha confraría a través dun procedemento sancionador, que supoña a exclusión parcial ou total dun plan de explotación no que o mariscador estaba incluído, non está contemplada na normativa que regula a explotación de moluscos nin o permiso de explotación.
4. Que a persoa afectada, ante unha sanción do tipo contemplado no plan, poderá recorrer á vía xudicial, xa que a tutela que exerce a administración sobre as confrarías non inclúe ó réxime sancionador (artigo 3º do Decreto 261/2002, de 30 de xullo, polo que se aproban as normas reguladoras das confrarías de pescadores e as súas

federacións).

Proponse, **sempre que se acredite a aprobación do plan nunha asemblea do colectivo de mergulladores**, que no caso de que a sanción imposta pola entidade **tralo correspondente procedemento sancionador** (que deberá ser debidamente acreditado), fose **recorrida ante a xurisdicción ordinaria** polo que carecería de firmeza, as persoas sancionadas pola entidade sexan incluídas no plan de explotación ata que recaía resolución xudicial definitiva.

O obxecto desta medida sería respetar os dereitos da persoa ao traballo e á asociación, que poderían verse afectados no caso de que a sanción fose finalmente anulada en vía xudicial.

*